

國朝文類

五

蘇子瞻
集卷之五
五

國朝文類卷第十七

表

賀正旦表

劉敏中

曆頒夏正大春秋一統之書禮謹漢儀受圖貢四
方之賀歡均朝野慶洽天人中賀剛健體元寬仁
育物董官常而敷聖訓炳如日月之臨恤民隱而
降德音翕叶地天之泰至和斯應景福惟新臣等
夙被寵榮忝司端揆無尺寸效仰裨財成輔相之
功願億萬年永享伴奭優游之樂

賀冊后表

楊文郁

聖德日新端齊家以身之本坤元位正備臨軒發

冊之儀慶溢九重歡騰四表

中賀

受天成命遵

祖詒謀謂王教攸基莫若人倫之重然治道之至
庶資內治之勤昭法象於軒星崇聲明於椒掖以
贊嚴宸之孝理以協太母之徽音臣等服在近
司顯觀盛際道符義易占順承載物之亨願擬堯
封申富壽多男之祝

賀元旦表

姚登孫

寶曆晨開恩誕敷於朔紀瑤池春滿慶先輯於

東朝日月清華神民閭懌

中賀

道符乾統躬啓皇

圖懿範難名備聖人之全德仁規妙運濟天下於
太寧壽並兩儀福延萬世臣等班聯文石職忝膠
庠仰測卦爻喜三陽之通泰俯陳歌頌奉億載之
怡愉

賀建儲表

姚登孫

坤元居上挾皇統於中天震器有歸衍孫謀於奕
世神人閭懌河岳清寧

中賀

聖德難名徽音夙著

心游太極兩儀妙玄範之功身佑三朝九鼎重宗
磐之勢適春宮之肇建知景命之永延臣等嘉與
諸儒欣逢盛典日月啓重光之運幸囿照臨華嵩

開萬壽之期惟厯歌頌

賀聖節表

李之紹

寶曆建元協重華之嘉運瑤光貫月開上聖之貞
符盛德在秋昊天有命中賀聰明稽古孝友根心
丕顯文謨端拱巖廊之上達觀新邑式均道理之
中揆震夙之昌辰卜豐穰于今歲璇璣肇紀玉斗
儲祥臣等肅謹班聯遙瞻粹穆宣昭鴻業載慶七
月之詩耆定武功願繼萬年之雅

賀聖節表

鄧文原

天開景運篤有道之曾孫電繞神樞受介福於王

毋觚稜瑞靄閭闔臚傳

中賀

誕紹鴻圖丕承駿命

至仁育物得秋而萬寶成盛德在躬居所而衆星拱當立經陳紀之始爲施仁發政之規郊廟肇禋朝野胥樂臣等名叨玉署目極璇霄廣文王有聲之詩載歌律呂衍殷宗無逸之壽慶祝華嵩

賀正旦表

盧亘

璠圖星拱禮盛三元璇宇天臨懽同九有煥宸文於懿範洽聖孝於英猷

中賀

迪詰徽柔濬幾淵靖

崇勲廟社消群慝而佑顯謨決策宮闈定神器而凝景命妙用夙諧於坤載大明參懋於乾剛臣等

久玷中書肅承內治儀新鴻號深仁昭被於綿區
嘉錫隆禧慈訓永光於汗簡

賀親紀太廟表

延祐七年

九重御極太平端拱於中天萬舞奏庭盛禮告成
於清廟群方胥贊百辟交孚中賀剛健日新聰明
時憲祖有功宗有德行歷服之無疆車同軌書同
文底烝民之作乂衮冕華昭於日月笙鏞和協于
神人崇億載之洪基舉累朝之曠典臣等忝司政
府肅侍齊宮邊豆駿奔仰宣室受釐之慶衣冠稱
賀效華封祝聖之誠

賀親祀太廟表

天曆元年

虞集

寶曆在躬祗服祖宗之訓太宮修祀於昭禮樂
之文海宇均安神人交暢中賀德崇恭讓道積寬
仁艱難具察於民勞俟戴密繇於天授卿雲就日
護璽綬以來歸瑞雪宜年洗干戈而載戢圭衮會
龍章之盛簫韶致鳳羽之儀臣等備位台衡依光
宸極群工述職贊文治之成功萬壽膺符受明禋
之純嘏

賀聖節表

虞集

春回正月律和舞鳳之庭日浹芳甸瑞紀流虹之

渚縉儀游舉治象更新中賀盛德在躬至仁育物
紫微華蓋煥乎經緯之爲章朱草醴泉妙與生成
而合化天開壽域人樂熙辰臣等弱翰無功清光
有赫對揚休命絲綸緝黼黻之文歌頌永年簡冊
載衣裳之治

賀正旦表

虞集

陽春發育明新若日之方中正朔會同溥博如天
之爲大顯承盛化協慶昕庭中賀神武成功至文
備德綜萬機而益裕達四聰而弗遺禮樂從容建
用維皇之極圖書宣朗緝熙於穆之純假郊廟以

受釐率臣民而錫福臣等叨陪鼎鉉式贊鈞陶時
和歲豐願保無疆之祚風淳俗美永歌有道之朝

賀正旦表

宋本

泰元神筴天開六甲之端北斗帝車星直三朝之
旦立政伊始與時皆新

中賀

睿知有臨明哲作則

萬機初振熙鴻號於紀年九廟載安被龍光於宗
黨誕啓用材之路式推澤物之仁臣等身際昌辰
首班著位風行雷動賡歌殊愧於古初日升月恒
善頌惟先於壽考

賀親祀南郊表

至順元年

謝端

四方于理事天致恭已之誠三年而郊卜日叶用
辛之吉功成治定禮備樂和中賀端拱無爲純一
不二肇舉明禋之典載嚴升配之文大呂黃鍾音
協雲門之奏鎮圭縑藉輝聯蒼壁之華祥風和氣
之與游景星慶雲之疊見穹示集貺宗社蒙休臣
等叨佐清朝欣觀熙事列園壇之八陛幸陪漢時
以侍祠陳泰階之六符願舉兒觴而上壽

牋

賀正旦牋

夾谷之奇

位拱少陽仗簇黃麾之曉氣暄大簇祥開青禁之

春邦本益隆輿情胥慶

中賀

仰遵聖訓參決政機

執中傳精一之心作貳毓元良之望重明繼照陰
邪常遏於未形九四在淵陽德克潛於已著茲履
端之云始宜介福之孔多某等素乏長材叨居端
尹星輝海潤莫酬沾被之恩月恒日升第祝綿延
之筭

賀千秋牋

楊文郁

陽常居於大夏方收養毓之功震一索爲長男載

啓亨嘉之會慶鍾甲觀歡溢寰區

中賀

克哲克明

允文允武春坊翊善茂隆邦本之貞曉寢問安長

奉天顏之喜茲臨彌月之節宜膺百順之祥臣等
竊備詞官進趨庭賀幸聞樂府奉重暉重潤之章
請合輿情上俾熾俾昌之壽

賀千秋牋

袁楠

心依宸極前星耀於明堂卯爲春門大電環于甲
觀盛德集福至和儲祥中賀體仁法元師古合道
溫恭事帝密輔相以生成問學積躬益緝熙而
光大疇咨黃髮之彥庸佐青闈之規茂對誕辰宜
膺純嘏某等肅瞻儲禁忝職詞林鶴駕陳儀喜承
頒於兩殿鴻圖衍慶願介壽於千秋

賀正旦牋

虞集

玉燭調元播陽春於萬物
褱衣乘程奉景福於一人
懽溢宮闈慶延宗社
中賀
柔嘉維則博厚無疆
帝業中興五色鍊補天之石
女功內治七襄成報日之章
膺瑤冊之穠華衍金支之奕
葉茂迎蒼曆益介洪禧某等
備位外廷稱觴前殿二南風
化歌關雎正始之音萬年室
家樂既醉太平之運

箴

綱齋箴

鄧文原

元坦使君以綱名齋屬巴西
鄧文原數繹其義乃

作箴曰

維古哲人德美內植揚休弗矜反躬藏密在易坤
厚含章可貞明夷莅衆用晦而明善欲淵潛志無
銜飾辟諸謁襲身章之則彼夸毗者內視飲如殏
崇澆爲以眩群愚鼓鍾有聞屋漏滋愧爾車甚澤
而人斯瘁緊南郭子尚綱是遵匪曰隱几式企書紬
慎獨箴

安熙

可尊者德可畏者天無虧不有無時不然念慮之
發必有其幾勿隱其隱勿微乎微從事於斯是曰
慎獨自此精之萬物並育豪髮有間天理弗存利

欲紛拏厥心則昏於平戒哉敬作此箴書諸座隅
以警其心

銘

簡儀銘

姚燧

舊儀昆侖六合包外經緯從橫天常袞帶三辰內
循黃赤道交其中四遊煩仰鈞簫九今改爲皆析
而異絲能疏明無窒於視四遊兩軸二極是當南
軸攸者下乃天常維北歌傾取軸架應鏤以百刻
及時初正赤道上載周列經星三百六十五度奇
贏地平安加立運所履錯勒干隅若十二子五環

三旋四衡挈焉兩綴闕距隨挨畱遷欵知出地究
茲立運去極幾何即遊是問赤道重衡四弦末張
上結北軸移景相望測日用一推星兼二定距入
宿兩候齊視巍巍其高莫莫其遙蕩蕩其大赫赫
其昭步仞之間肆所曠攷明乎制器運掌有道瀟
簡而中用密不窮歷校古陳未與侔功倚歟
皇元發帝之蘊昇厥羲和萬世其訓

仰儀銘

姚燧

不可形體莫天大也無競維人仰釜載也六尺爲
深廣自倍也兼深廣倍挈釜允也振既不洩繚以